


Imminut misiligit: Sorsuttartuuit imaluunniit pilliutaavit?

Pimmatiginninneq akiorniarlugu quppersakkamut tapiliut



Sullivimmi isumannaallisaanermik ilinniartitaaneq, Nuuk

Tulliuttoq misiliutinnguaq atorlugu paasiniarsinnaavat sorsuttartup imaluunniit pilliutaasartup aqqutaanik atuigajuttartuunerlutit.

**Ajornartorsiummik nalaassigaangavit.
Taava imaattarpit:**

- ajornartorsiutip atuunna pillugu allanik pisuutitsinerusarlutit?
- takusinnaavat illit nammineq akisusaqataallutit?

Ajornartorsiut aaqinniaangakku:

- taava allat oqaluttuutarpigit suut allanngussaneraat?
- illit nammineq allaanerusumik iliorniar-
tarpit?

**Pisumi nuannaanngissutigisanni
ikkaangavit:**

- naatsorsuutigisarpit tassannga pisumit aniguinissannut allat qanoq iliuseqassasut?
- pisumit tassannga aniguinissannut qanoq iliornissat paasisarpit?

Ussat sorleq ilinnut tulluarnera?

- ajutoorneq allamik ajutoornermik malitseqartuaannangajappoq?
- orpiup nakkarfiup eqqaani nikuittoqartariaqarpoq.

**Qanoq ingerlasoqarneranik allat
oqaluttuunniaraangakkit:**

- taava ajortut tamaasa oqaluttuarineruniartarpigit?
- taava ajunngitsut tamaasa oqaluttuarineruniartarpigit?

**Ajortumik nalaataqaraangavit.
Taava eqqarsarnerulersarpit?**

- qanoq tamanna naapertuilluannngitsigisoq ilinnullu nalligalutit?
- qanoq ilillutit taamatut atugaqalernerlutit qanorlu anigorniarsinnaanerlugu?

Misigisimavit:

- allanit aqunneqarlutit?
- aqutsillutit?

**Ajornartorsiuteqaraangavit taava
allat neriuteqarfisarpigit:**

- isumassussagaatsit isumagalutillu?
- qinikkatit iliuitsitillu tusarnaassagaat ataqqillugillu?

**Oqaaseqatigiit uku marluk arlaat
sorleq ilinnut tulluarnera?**

- iliusererusutakka oqaluuserisaqaakka, kinguneqassanatillu.
- iliusererusutakkami eqqartortarpakka, kisiannili aamma kinguneqartittarlugit.



INERNEQ

Sorsuttartog

"b"-mi akissutitit amerlaneruppata, taava sorsuttartup aqquaanik toqqaagajunneru-sartuuvutit.

Inuuninni akisussaaffeqarnerit toqqarneru-sarpat nalaatatillu iliuuseqarfigissallugit pikkoriffigisarlugu.

Siunnersuut: Pissuserisat ingerlatiinnaruk! Namminiuneq ingerlatiinnaruk sassarnissamullu sapiissuseq atuinnaruk.

Sapinngisaq naapertorlugu taamaattuaannarit imalu periaaseqartarit allat ataqqinninnermik takutittarlugit.

Pilliutaasartog

"a"-mi akissutitit amerlaneruppata, taava pilliutaasartup aqquaanik toqqaagajunneru-sartuuvutit.

Amerlanertigut isumaqartarputit pisumi nalaatanni illit nammineq pisuusarnak.

Siunnersuut: Imminut pimooruttuugit!

Pikkoriffiginerulissavatit piginnaassutsivit upperinerulernissaat tamannalu aallaavigalugu iliuuseqarlutit. Ajunnginnerusumik misigilissaatit illillu inuunerit aalajangiiffigissallugu periaasissannut periarfissatit amerlissallutik. Tassa imaappoq, peqataaffigisannut akisussaaffimmik pigisaqalertariaqarputit. Sapiissutsit piunassutsillu nassaarissavatit saqqummerlugillu, taamaaliorlutillu takutitsilutit!

Misiliut aamma suleqatinnik tatigisannik ilinnillu ilisarimannittumik peqateqarlutit misilissinnaavat – akissutillu oqaloqatigiissutigisigit.

